

مجموعہ ابوالضیا

ماہوار شائبہ سندن دلی تطہیرہ چالش
پر تو حکمت و عرفان ایلہ تنویرہ آتش

علوم و معارف دین بحث ایدرہ و عرفان عربی ابتدائیلہ اون بشددہ نشر اولنور مجموعہ فنوندرہ

نومرو ۱۹ - جلد ۲ [فی ۱۵ جمادی الآخرہ سنہ ۱۲۹۸] نسخہ سی ۲ فروش

اهمیت حفظ مال

(مشاهیردن برذاتک جله تصنیفانندندر)

تلف قطه بغایت صقله مالی

که زیرا مالی غایت صقله مالی

کمال اولدی جهانده کرچه مرغوب

کمالک دخی مال اولدی مالی

(ابن کمال)

تنبیه

اثنای بحث شده مال تعبیرندن مرادمن مجرد درهم و دنانیر اولمبوب، مطلق مابه الاتقاع و خصب و رفاه و معاش معناسنه اولان ریش (*) در . ریش لفظی عربی اولوب، معانی مذکوره به دال جامع الکلم بر لغتدر . قرآن عظیم الشانده واردر . «ریشا» کله سنک معناسندن ابن ابی طلحه حضرت نوری اعلم الناس ابن عباس (رضی الله عنه) حضرت نرینه سؤال ایلدکه «و هو المال» بیورمشلر .

ابن الانباری (رحمه الله) وقف نام کتابنده و طبرانی المعجم الکبیر نام مسنده روایت ایلدکلرینه کوره حضرت نافع استاد اکرمی سلطان المفسرین مشارالیه ابن عباس حضرت نرندن «ریشا» معناسی مال دیمک

(*) فرانسزجه (ریش) کله سی لسان عربدن مأخوذدر چونکه لغات افرنجیه به مراجعت اولنسه مالدار و معمر الحال و صاحب رفاه کشتیه و واسع و بول و برکتلی شینه (ریش) تعبیر اولنور . لغات عربیده دخی بو معنا مذکوردر . و لباس فاخره عربیده ریش دینلیدی کبی فرانسزک دخی البسه فاخره دیجکلری برده «ریش و تمان» تعبیرلری معلومدر . هله اندلس شعرا و علمایی آئارنده بو مقامده (ریش) کله سی کثرت استعماللری شو مدعایمی تأکید ایلشددر . بنابرین مترجلر فرانسزجه «ریشز» کله سی حین ترجمده (ثروت) ایله تفسیر ایدهجکلرینه عینسآ عربی (ریش) لفظی آیانده همت و بو استعمالی عادت و الفتح ایلسدلر ده اعلادر . چونکه مثلاً غایت ابو هوایه و کوزل نظارتلی موقعه مالک اولمق معنایزه دخی «ریشز» تعبیر ایده کلدکلرندن (ثروت) تفسیری بورالرده یاقیشق آلیه جفی کورینور . (مؤلفه)

اولدیغنی بعدالاستخبار « بو معنا عربک معلومی میدر ؟ » دیو سوال
ایلدکده مشارالیه شاعرك شو بیتیه استشهد ایدوب،
« فرشی نجیر طال ماقدر برینی
وخیر الموالی من بر یش ولایبری . »

لفظ مذکور معنای مزبور ایله عند العرب معلوم و مستعمل و مشهور
اولدیغنی اثبات پیور مشر .

ماهیت دنیا

ای طالب یقین ! رهین علم عرفان قرینک اولسون که دنیا ارض،
و ما علیها دن عبارتدر . و ما علیها دخی معادن و نبات و حیوان در .
بو اوچ شیئه انسانک احتیاجی درکاردر؛ چونکه نبات قوت و غذا ودوا
و معادن آلات و اوانی و نقد و سائره ایچون لازمدر . حیوان ایسه
انسان ایله، بهائم منقسم اولوب، بونلرک هر ایکیسیده مطلوب انسانیدر؛
زیرا بهائم رکوب و اکل و تمتع و زینت ایچون محتاج الیهدر . انسان
دخی بنه هم جنسی استخدام و تمتع ایچون ابدانته صاحب اولغنه، یاخود
کوکلرینه تعظم و اکرام املاسیله قلوبنه مالک بولغنه طالبدر که کتب
اخلاقده جاه تعبیر اولنان شی شو تملیک قلوبدن عبارتدر .
و بو اعیان ثلثه «زین للناس حب الشهوات من النساء و البنین
و القناطیر المقنطرة من الذهب و الفضة و الخیل المسومة و الانعام الجراث»
آیه کریمه سنده جمع پیورلشددر .

انسانک بو اعیانه ایکی جهتله علاقہ سی وارددر: بری علاقه قلب
و دیگر علاقه بدن در. علاقه قلب انسانک دنیایه محبت و عبودیت
و عشق دیمکدر که حرص، طمع، ریا، سمعه، سوء ظن، مدهدنه،
و حب ثناء و حب تکبر، و تفاخر، و کبر، و غل، و حسد و سائر صفات
خبیثه و اخلاق ذمیمه جمله سی بو علاقهدن تولد ایتشددر؛ بونلره کتب
تصوفده دنیا باطنه تسمیه ایدرلر .

و علاقه بدنیہ انسانک اعیان موجودہ ایله کنندبسی و یا غیربسی
تمتع ایده بیلک ایچون اشتهالیدر. بوندن دخی مشهودمز اولان صناعات
و حرف تولد ایلشدر؛ و بونره دنیای ظاہره دیرل غفلت و حجاب دید-
کلری بو علاقتین پرده سندن عبارتدر که بعضا شمس تحت السحاب مستور
اولدیغی کبی، نور بصیرت ذاتیه دخی بو پرده ایله محجوبدر. و بو غفلت
لازمه نظام عالم ایدوکی مستغنی بیاندر.

علاقه بدنیہ حرف و صنایع و اعمال اشغالندن عبارت اولدیغی معلوم
اولدوقدن صکره، انسانک بونلر ایله کثرت اشتغالنک سببی طبیعی در. چو-
نکه انسان قوت و مسکن و ملبس، شو اویج شیئه مضطردر. قوته احتیاجی
غدا و بقا جلیچون، و ملبس و مسکنه افتقاری کرم و سرد و سائر اسباب
هلاک دفعیچوندر. قالدیکه صنعت و عمل سز شو اویج شیئه مالک اولوق بهائم
مثلا و انسانه میسر اولدیغی بدیهیدر. بناء علیه دنیاده اک ابتدا فلاح
و رعایت و اقتناس و حیا کت و بنا، بو بش صنعت پیدا اولمشدر که اوائل
اشتغال تعبیر ایدرلر.

فلاح، اکر، بچر؛ محصولی طعامدر. راعی، حیواناتی بسار و حفظ
و حایت ایدر. مقتضی، طبیعی حصوه کلش نباتات و معادنی تحصیل
و ظاهره اخراج ایلر و اعمال ایدر.

اقتناس تعبیرندن مرادمز شو مالددر. و صنعت حیا کت و آکامتعلق
نسج و خیاطدن مراد لباس، و بنا دخی مسکن ایچون اولدیغی تعریفه حاجت
بو قدر.

بو صناعات خمس ایسه بر طاقم ادوات و آلاته و بو آلات دخی اخشا-
بدن، یا معادنن، و یا خود جلد حیواندن اعمال و استحصاله متوقف بولند-
یغندن بشقه جه تجارت و حدادت و حرز صنعتارینک ظهورینه حاجت
مس ایلشدر. تجارتن مرادمز دولکرو طوغرامه جی، نه اولورسه اولسون
اخشاییدن بر شی اعمال ایلن و حداد معدنی بر شی ایشلیان و حراز جلد

حیوان و آکا متعلق بر ایش یابان دیمکدر. مرام، آحاد تعداد اولمیوب، احتیاج طبیعی مس ایدن امهات صنایعی تذکار بولندیغندن، شو ذکر اولنان اصولی بیان ایله اکتفا ایدرز.

§

انسان بقای نوعیچون نسله، و تهیئه اسباب ایچون تعاونه محتاج بو. لندیغندن، یالکز بر باشنه یشایه میوب، اجتماعه محتاج اولمشدر. قالدیکه بر کشی بر منزله اهل و اولادی ایله جمع اولمق دفع احتیاجی مستلزم بو. لندحق اجتماعه کافی، بلکه تعییشه بیله وافی اوله میوب، آنجق اجتماع، محتاج البها اولان صنایع ایله بر برلینه تعاونه بالطبع متکفل اوله حق طائفه کثیره نك بر محله بر یکمیله اولور. چونکه شخص واحد یالکز باشنه، مثلاً فلاخته فصل مقتدر اوله ییلیر که بر طاقم آلاته و آلات دخی حداد و نجاره مفتقدرد. كذلك طعام ایچون طحانه و جنازه و لباس ایچون آقشسه و ادواته و خیاطه محتاج بولندیغنی درکاردر.

ایشته بوسیدن طوائف کثیره نك زده اولورسه اولسون، اجتماعی لازم کیش ایشهده بو قدر خلق بر صحرای مکشوفده دائمی صورته جمع اولسدل حر و برد و مطردن و لصوص و اشقیادن متأذی بولندحققاری ظاهر اولمیله ابنیه محکمه و منازل مستحکمه تأسیسنه و هر کس کندوسنه و یا اهلنه بر بیت، و اثاث و ادوات تدارکنه دخی ضرورت مس ایش.

فقط بو تدارکات دخی خارجاً امنیتی جلب ایده میوب، قصد دشمن ملحوظ و واقع بولندیغندن، بر طاقم سور بناسیله تحصنه و برریله تعاون و تناسره محتاج اولنغله مدائن و قصبات احداث اولمش و زوجک زوجیه و ابونک اولاده طبیعی اولان ریاستی قضیه سندن، یعنی قاطی استیلادن و بلکه مزاج انسانک مجبول اولدیغنی عامهیه استیلا و تفرد و استملاک حالتندن بر طاقم خصومت تولدی اکسک اوله میه جغندن، و بعض کسان یا مرض و یا شیخوخت و سایر عوارض مختلفه ایله کارو کسیدن عاجز، معینسر قاله جغنی

دخی درکار بوانغله بو مثل اولرک تفقد احوالی نظارت عامه یه احواله اولنسه
 نخاذل و بر سبب ترجیح اولدقجه بر اهل مرؤت وکالت مخصوصه سنه
 توکیل قلنسه تهاون و تکاسلی مستلزم اوله جغی بدیهی ایدو کندن، بوصو-
 ر ندرده هرکس کندو حالته بر اقلق دخی علی العموم تهالک و تقائل و تلفی
 موجب اوله جغنه بناء بر وجهله اوبه میه جغندن. اجتماع سببیه حاصل اولان
 اشبو عوارضدن بر طاق صنایع دخی تحدث المئشدر. مثلاً صنعت مساحه که
 آنکله مقادیر ارض تحدید اولنوب، هرکس بیننده عدل ایله تقسیم قلنهرق،
 خصوصت بر طرف ایدیلیر. و صنعت جنیدیه که اهل سیف عسکر ترتیب
 ایدیلوب، آنکله بلده یی حراست و داخل و خارجدن اختلال و تسلطه
 ابتدار ایدن اشقیا واعدایی رفع میسر اولور. و صنعت حکیم که اهل
 واربابی اجرای حکومت ایدوب، آنکله فصل خصوصته توصل اولنور.

و صنایع محتاج البهادر بری دخی فقه در که کثرت نزاعی دفعه توسل
 ایچون حدود بنه رعایت اولنه جق و بالجمله خلق کندو سیله مکلف بولنوب
 ضبط عالمه مدار و اساس اتخاذ قلنهرق قانونی بیلیکن عبارتدر. بو صنایع
 یعه آریجه امور سیاسییه تسمیه قلمئشدر که بونلرک اهل واربابی علم و تمیز
 و هدایت صفات حسنه سیله متصف ذوات مخصوصه اولمق لایقدر. حال
 بو که اهل صنایع حراست بلده و دفع اعدا قضیه لر یله اشتغال اینسه صنایع معطل
 قاله جغی جهته له بمه حال عسکره و اهل سیاسته محتاجدر لر. کذلک مأمورین
 و عسکر دخی تعیش ایچون صنایع ایله مشغول و متفرغ بولنسه لر امور
 مأموره لر ی تعطیل اولنهر جغنده اشتباه بوقدر. اینسته بو اجلدن
عشر و خراج و تکلیفات سائره معلومه تحدث ایتمش و بوایشلرده استخدام
 اولنهر جق مأمورین و عمال و خزان و جمع اولنان مالی ادخار و تحزین و حایه
 و اسرافدن وقایه و حد اعتدال اوزره تصرف لازمه قضیه لر یسه ناظر
 و هر ایشی مدبر و حافظ بر رئیس مطاع و متبوع اتخاذینسه احتیاج مس
 ایش؛ بعده حساب و کتاب و مأمورین سائره نصب و استخدامنسه لزوم

کورغمشدر . ایشته انسان تعیش ایچون غذا ولباس و مکانه وشونارسببیه
مدنیه محتاج اولوب، کیده کیده ایش بورایه وارمش؛ وقنی برایشه
یاشلسه آلتدن نیجه ییک ایش ظهور ایش ودها ایارولیش، باب بیع
وتجارت کشاد اولمشدر .

چونکه، مثلاً فلاح اتخاذ آلتنه مضطر وحداد ونجار دخی حبوبات
زرعییه محتاج اولدیغندن، بونلر بربرلینک مالک اولدقلرینی
بدل ایله تبدیل ودهکیش ایله جکلری درکار ایسهده قالدیکه
فلاحک آلتنه احتیاجی دائمی صورنده اولمیوب بلکه نجار اعطای آلت
ایله اخذ حظه مراد ایلدیکی زمان فلاحک آلتنه عدم احتیاجی وقتنه
تصادف ایلهجکی جهتله قبول ایلمهجکی آشکار بولندیغندن، کذلک عکس
دخی واقع ایدوکنندن، آرتق اغراض عمومیه تعوق وتخلف ایلسیه تجارت
ودکانجیلیق بولی آچیلوب، لزوملی؛ لزومسن همان صائیلان اشیایی آلوب
بریکدیرمک ووقتیه طالب اولهجق کشییه بیع وفروخت ایلمک ایچون
تجارت پیدا اولمشدر . وبریکدیردیکی مالی حفظ ایچون مغازه و دکان
وسائر محلاتر احداث اولمش وسائر امتعه واشیا دخی بومثلره قیاساً برطاقم
مخازن واسواق وبازار اولمق اقتضا ایش؛ وبربلده علی الخصوص قریه
هربرمازمه بی حصوله کتیرمیوب، جمع دخی ایله میه جکنندن، اهالی بلاد
وقصبات وقرانک بربریه اختلاطی لازم کلشدر .

ومع هذا انسان نقل مراد ایلدیکی هربرشیئی دخی کندوسی بذاته
حله مقننر اوله میه جغندن، بارکیر وقاطر ودوه وسائر دواب وعربه
اتخاذ ویاینجار واستکرا خصوصلری کوندن کونه ظهور ایش؛ وبوراله
باقچه تنظیم سکک ومعار و تسویه طرق ماده مهمه سی دخی ایجاب حالدن
بولمشدر .

ایشته بوترتیب طبیعی اوزره اعمال واشغال تداعی وتوالی برله مشهور
دمز اولان حال ترقیه واصل اولمش که انسان همان برماهه قریب وقت

ظرفنده کره ارضی دائراً مادر طولاً شمسی ممکن اوله یله جک عربله مالک اولمش؛ وسیاله برقیه بی بد تسخیرنده ضبطله همان برتانیه جک ظرفنده بتون روی زمینی طقوز، اون کره دور ایده یله جک آلات مخبره بی بالفعل اجرابه کتیر مشدر

« حکم حارت البریه فیها

و حقیق بانها تختار . »

بیان اولنان صنایع همه حال تعلم وتعبه متوقف اولدیغندن، بعض ناس یا حال صباوتنده فقدان تربیدن و یا خود بر مانع عارض اولدیغندن، هر فصلسه صنایعدن عاجز و جاهل قلش . بومثالول دیگرلک یعنی اهل کسبک قزانچندن بادهواجه یمکی اعتیاده قالمشماله بر طاقم صنایع خسیسه دخی پیدا اولمشدر که اصولیت وسؤال وطولاندیریمیلیق در . حال بوکه ناس بومقولهله مالنی ویرمکدن طبعاً متنفر بولنسیله، احتراز ایله اسباب تحفظیه کاینی صارلمش اولدیغندن، بونلر دخی سائر اهل صنایع یعدن یسره زیادهجه بر طاقم آلات وحیله وتدابیر استنباطنه صرف افکار ایدوب، خیلی طوزاقلر قورمشلدر .

(مابعدی وار)

مطبوعات جهان

آمریکانک نیویورک تریبون غزته سی جهان مدینه نشر اولنمده اولان مطبوعات یومیه وموقوته دایر آئیده کی معلومات مجله بی اعطا ایدیور :
دنپاده اوتوز یسک قدر غزته بونوب، کوچوک بیوک مطبوعات یومیه ایله برابر رسائل موقوته دخی بو مقدرده داخلدر . مطبوعات عالمک نصفی انگلیز لسانده نشر اولنور . یالکز آمریکا قطعده سنده طقوز یسک بشیوز عدد اوراق حوادث ورسائل موقوته موجوددر که مطبوعات عالمک ثانی آمریکاده چیقمده وتعیر آخرله مطبوعات خصوصنده دخی آمریکا بتون جهانه اثبات تفوق ایتمکدهدر .
انگلتره مالکنده اوج یسک قدر غزته ورسائل موقوته بولندیغندن، مالک مذکوره مطبوعاتی آمریکا مطبوعاتنک ثانی راده سنده دیگدر .